



Հանրապետական մանկավարժափոփոխական կենտրոն

«Հանրակրթական դպրոցների ուսուցիչների և ուսուցչի օգնականների
դասավանդման հմտությունների զարգացման ապահովում» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ <<ՀՀ ԱՐԱՐԱՏԻ ՄԱՐԶԻ ՄՐԳԱՎԵՏԻ ՄԻԶՆԱԿԱՐԳ ԴՊՐՈՑ>>
ՊՈԱԿ

Թեմա՝ <<Սկզբնաղբյուրների և փաստերի օգտագործման ուսումնական գործընթացը
պատմության դասին>>

Վերապատրաստող, մեներթը՝ Գայանե Մանուկյան

Ուսուցիչ՝ Լենա Թարվերդյան

2023թ

ԲՈՎԱՆԴԱԿՈՒԹՅՈՒՆ

Ներածություն.....	3
Գլուխ I	
Սկզբնաղբյուրների եվ փաստերի հետ աշխատանքը պատմության դասին.....	5
Գլուխ II	
Օրվա դասի պլանի օրինակներ.....	19
Եզրակացություն.....	27
Օգտագործված գրականության ցանկ.....	29

ՆԵՐԱԾՈՒԹՅՈՒՆ

Պատմության դասերը չի կարելի կազմակերպել և անցկացնել առանց ուսուցման մեթոդների: Ուսուցման մեթոդը ուսուցչի և սովորողի փոխկապակցված համատեղ գործունեության եղանակն է, որն ուղղված է կրթության բովանդակության յուրացմանը: Պատմության դասավանդման մեթոդիկայում

տարածված են բազում մեթոդներ, որոնցից են աշխատանքը պատմական փաստերի ու սկզբնաղբյուրների հետ:

Սկզբնաղբյուրների հետ աշխատանքը նպաստում է ուսուցչի խոսքի ավելի պակերավոր դառնալուն, եզրահագնումները կլինեն ավելի հաստատուն ու հիմնավորված: Սկզբնաղբյուրով աշխատանքի մեթոդը կարևոր միջոց է ուսուցումն ավելի արդյունավետ ու հետաքրքիր դարձնելու համար: Այս հանգամանքը սկզբնաղբյուրը դարձնում է ուսուցման գործընթացը խթանող միջոց: Սկզբնաղբյուրով աշխատանքը հնարավորություն է տալիս աշակերտներին ոչ միայն տեղեկանալ հակասություններին ու տարածայնություններին, այլև մասնակցել դրանց ֆենաթկմանը և ավելի ամբողջական պատկերացում կազմել այդ հարցի շուրջ:

Այս կուրսային աշխատանքում մենք կներկայացնենք սկզբնաղբյուրների ու փաստերի կիրառման գործընթացը պատմության դասի ընթացքում: Աշխատանքը ստեղծվել է մատենագրական, բանահյուսական, հետազոտական և վերլուծական գրքերն ու նյութերը ուսումնասիրելու արդյունքում:

Աշխատանքի նպատակն է՝

- Ներկայացանել սկզբնաղբյուրների հետ աշխատանքի բնույթն ու դրա նշանակությունը սովորողների գիտելիքների խորացման գործում:

- Ուսումնասիրել փաստերի ուսուցման գործընթացը, կիրառվող մեթոդները:

Աշխատանքի խնդիրներն են՝

- Ուսումնասիրել սկզբնաղբյուրների հետ աշխատանքի բնույթն ու էությունը
- Անդրադառնալ սկզբնաղբյուրների հետ աշխատանքի ձևերին, մեթոդներին
- Նկարագրել սկզբնաղբյուրների տեսակները
- Ուսումնասիրել փաստերի ուսուցումը և օգտագործվող մեթոդները

Թեմայի արդիականությունը: Արդի պայմաններում, երբ կրթության ու գիտության առաջընթացն իր հետ բերում է նաև փոփոխություններ դասապրոցեսում, երբ ավանդական մեթոդները չեն տալիս ցանկալի արդյունք, իսկ դասավանդումը դարձել է ներառվող ու ինտերակտիվ, անհրաժեշտ է նորովի ուսումնասիրել ու մշակել մեթոդներ, որոնցով Պատմություն առարկայի դասավանդումը կլինի ավելի հետաքրքիր և արդյունավետ: Պատմական սկզբնաղբյուրների կիրառման դերը մեծ է Պատմության դասավանդման գործում. ուստի անհրաժեշտ է սկզբնաղբյուրների կիրառումը ներկայացնել նորովի, նոր մեթոդների, ՏՏ-ի միջոցով: Փաստերի ուսումնասիրումը Պատմության դասավանդման հիմնաբարերից է և փաստերի ուսուցումը ևս պետք է ներկայացնել նոր մեթոդներով՝ ներառելով բոլոր աշակերտներին:

Գրականության տեսություն: Օգտվել են հիմնականում «Методика преподавания истории в школе»¹, Конспект лекций по курсу “Методика преподавания истории

¹ Студеникин М. Т., Методика преподавания истории в школе, Москва, 2000.

В ШКОЛЕ»², «Հայոց պատմություն 8-9, Ուսուցչի ձեռնարկ, Երևան»³, Պարագիզմա հիմնադրամի «Գիրք պատմության ուսուցման, ինչու՞, ինչպե՞ս»⁴ աշխատություններից:

Աշխատանքի կառուցվածքը: Աշխատանքը բաղկացած է ներածությունից, երկու գլուխներից, եզրակացությունից և գրականության ցանկից:

Ներածության մեջ ներկայացված են թեմայի նպատակն ու խնդիրները, արդիականությունը, գրականության տեսությունը և աշխատանքի կառուցվածքը:

Գլուխ I Սկզբնաղբյուրների և փաստերի հետ աշխատանքը պատմության դասին՝ ներկայացված են, սկզբնաղբյուրների ու փաստերի հետ աշխատանքի բնույթը, դրանց տեսակները, թե ինչ մեթոդներ կարելի է կիրառել և թե ինչպես աշխատել սկզբնաղբյուրների ու փաստերի հետ:

Գլուխ II Օրվա դասի պլանի օրինակներ. բերված են պատմության տարբեր թեմաների 3 դասապլաններ, որոնք ուղղված են սկզբնաղբյուրների և փաստերի հետ աշխատանքին:

Եզրակացության մեջ ներկայացված են ուսումնասիրության ընթացքում մեր ունեցած եզրահանգումներն ու կարծիքները:

ԳԼՈՒԽ I

ՍԿԶԲՆԱՂԲՅՈՒՐՆԵՐԻ ԵՎ ՓԱՍՏԵՐԻ ՀԵՏ ԱՇԽԱՏԱՆՔԸ ՊԱՏՄՈՒԹՅԱՆ ԴԱՍԻՆ

Պատմության դասերը չի կարելի կազմակերպել և անցկացնել առանց ուսուցման մեթոդների: Ուսուցման մեթոդը ուսուցչի և սովորողի փոխկապակցված համատեղ գործունեության եղանակն է, որն ուղղված է կրթության բովանդակության յուրացմանը: Պատմության դասավանդման մեթոդիկայում տարածված են.

- Խոսքային մեթոդները (պատմելը, գրույցը, դասախոսությունը և այլն),
- Զննական մեթոդները (նկարագրողումները, ցուցադրումները և այլն),
- Գործնական մեթոդները (վարժությունները, տարբեր առաջադրանքի կատարումը և այլն),
- Տրամաբանական մեթոդները (ինդուկտիվ (մտկածում), դեդուկտիվ (արտածում), և այլն),
- Ճանաչողական-ստեղծագործական մեթոդները (վերարտադրողական, այսինքն՝ բացատրական-ցուցադրական և պրոբլեմային-որոնողական, այսինքն՝ պրոբլեմային շարադրանք, էվրիստիկ գրույց, հետազոտական աշխատանք),
- Հետաքրքրությունների խթանման մեթոդները (հանաչողական խաղեր, հուզական խթանում և այլն),

² https://hist.bsu.by/images/stories/files/uch_materialy/do/hist/4/MPI_Kozik/Konspect.pdf

³ Ղուկասյան Ա., Հայոց պատմություն 8-9, Ուսուցչի ձեռնարկ, Երևան, 2013:

⁴ Գիրք պատմության ուսուցման. ինչու՞, ինչպե՞ս, «Պարագիզմա» կրթական հիմնադրամ, Երևան, 2020:

- Ինտերակտիվ-կառուցողական մեթոդները (խճանկար, ուսումնական բանավեճ, դերային խաղ, աշխատանք սկզբնաղբյուրի հետ և այլն),
- Համագործակցային ուսուցման մեթոդները (թիմային աշխատանք, Երջագայություն պատկերասրահում, խմբային հետազոտություն, մտածիր—գույգ կազմիր — ֆննարկիր, ձևակույտ, այլն և այլն),
- Քննադատական մտածողության մեթոդները (վերլուծական, գնահատողական էսսեներ, եթե ես լինեի և այլն)
- Ինֆորմացիոն աշխատանքի մեթոդները (ինֆորմացիոն աշխատանք դասագրքով, սկզբնաղբյուրներով, ուսումնագրական պիտույքներով, 5 րոպեանոց շարադրանք, աղյուսակի լրացում և այլն):⁵

Բնական է, որ ուսուցիչը միանգամից մեկ դասի ժամանակ չի կարող օգտագործել մեթոդների այս հարուստ զինանոցը: Նա պետք է յուրաքանչյուր, կանկրետ դասի համար կատարի ուսուցման մեթոդների ընտրություն:

Պատմության դասավանդման լավագույն մեթոդներից է սկզբնաղբյուրով աշխատանքի մեթոդը: Դեռևս 1863 թվականին պրոֆֆեսոր Ստասյուլևիչը արտահայտեց այն միտքը, որ սովորողների պատմական գիտելիքները կշատանան պատմական սկզբնաղբյուրները ու փաստաթղթերը ուսումնասիրելով, քան դասագրքերի հետ աշխատելով: Մի խումբ մեթոդիստներ ևս այն կարծիքին էին, որ դպրոցում պատմության ուսուցումը պետք է կառուցել փաստաթղթերի հիման վրա: Բայց դա միայն այն բանից հետո, երբ սովորողները կյուրացնեն դասագրքի համապատասխան թեման:

Ո՞րն է սկզբնաղբյուրների բնույթը: Դրանք օգնում են աշակերտներին պատմությունը ավելի պատկերավոր ու գունեղ պատկերացնել: Կարգավոր որևէ սկզբնաղբյուր, մենք կզգանք պատմական սովորական ժամանակաբաժանի ոգին: Սկզբնաղբյուրները նաև նպաստում են ուսուցչի խոսքի ավելի պատկերավոր դառնալուն, եզրահագնումները կլինեն ավելի հաստատուն ու հիմնավորված⁶: Սկզբնաղբյուրով աշխատանքի մեթոդը կարևոր միջոց է ուսուցումն ավելի արդյունավետ ու հետաքրքիր դարձնելու համար⁷:

Այս հանգամանքը սկզբնաղբյուրը դարձնում է ուսուցման գործընթացը խթանող միջոց: Սկզբնաղբյուրով աշխատանքը հնարավորություն է տալիս աշակերտներին ոչ միայն տեղեկանալ հակասություններին ու տարածայնություններին, այլև մասնակցել դրանց ֆննարկմանը և ավելի անբողջական պատկերացում կազմել այդ հարցի շուրջ: Աղբյուրները կարևոր դեր ունեն աշակերտների գիտելիքների վերլուծական կարողությունների ու հմտությունների զարգացման գործում: Ուղղակիորեն առնչվելով սկզբնաղբյուրի նյութին՝ աշակերտը ունենում է զարմանալու, հարցադրումներ անելու,

⁵ Студеникин М. Т., Методика преподавания истории в школе, стр. 9.

⁶ Глазырина Т., Методика преподавания истории, Новополюцк, 2011, стр. 117.

⁷ Студеникин М., Методика преподавания истории в школе, стр. 132-135.

բացատրելու և մեկնաբանելու հնարավորություն: Այսինքն, սկզբնաղբյուրների հետ աշխատելով, աշակերտները կկարողանան ինֆորմացիոն աշխատել, կարդալ, գնահատել սկզբնաղբյուրների հաղորդած տեղեկությունները, վերլուծել դրանք:

Սկզբնաղբյուրներն ընտրելիս պետք է հաշվի առնել՝

- հետաքրքրության աստիճանը, այսինքն՝ որքանով է սկզբնաղբյուրը հետաքրքիր, կարևոր, օգտակար և ուսումնասիրվող նյութին համապատասխան,
- բարդության աստիճանը, այսինքն՝ որքանով է սկզբնաղբյուրի բարդությունը համապատասխանում աշակերտների մակարդակին, և ինչ օգտակար նյութեր (բառարան, սկզբնաղբյուրի ստեղծում և տեքստի մասին մանրամասն տեղեկություններ) կարելի է տալ սկզբնաղբյուրը հետաքրքրող յուրացնելու համար,
- ծավալը, այսինքն՝ աշակերտներին տրվող սկզբնաղբյուրը կամ նրա մի հատվածը ինչ ծավալ պետք է ունենա, կամ սկզբնաղբյուրի որ հատվածը պետք է ընտրել հիմնական գաղափարն արտահայտելու համար,
- տեսակետների բազմազանությունը, այսինքն՝ սկզբնաղբյուրում ուսուցանվող թեմայի վերաբերյալ կան տարբեր տեսակետներ, հակասություններ,
- աղբյուրների բազմազանությունը, այսինքն՝ ընդգրկվել են արդյոք տարբեր տեսակի աղբյուրներ,
- հասանելիությունը, աշակերտները կարող են արդյոք գտնել այդ սկզբնաղբյուրները⁸:

Դասարանում սկզբնաղբյուրով աշխատելու համար անհրաժեշտ է հաշվի առնել սկզբնաղբյուրի հետ աշխատանքի կազմակերպման ձևը, այսինքն՝ ինչպես օգտագործել սկզբնաղբյուրը (ֆնոնարիում կազմակերպել դրա շուրջ, գրավոր աշխատանք հանձնարարել, բանավոր ներկայացնել, դասնել դերային խաղի թեմա) ինչպես աշխատել՝ անհատական, թե փոքր խմբերով, ինչպես ներկայացնել կատարված աշխատանքը՝ հարցաթերթիկ, ակնարկ, նկար, բանավոր խոսք և այլն, ինչպես գնահատել աշակերտներին՝ թեստ, սյունաճար և այլն:

Սկզբնաղբյուրները բաժանվում են երկու հիմնական խմբի՝ փաստային սկզբնաղբյուրներ և նկարագրող սկզբնաղբյուրներ: Այս երկուսը միմյանց հետ շատ փոխկապակցված են և լրացնում են միմյանց: Փաստային սկզբնաղբյուրները իրավական, ֆաղափական, ծրագրային՝ հրաման, համաձայնագիր, փաստաթղթեր են, իսկ նկարագրող սկզբնաղբյուրները՝ նամակներ և այլն⁹:

Սկզբնաղբյուրներով աշխատանքի ձևերը, մեթոդները և դրանց ներկայացումը

⁸ Никулина Н., Методика преподавания истории в средней школе, Калининград, 2000, стр. 44-46.

⁹ Студеникин М., Методика преподавания истории в школе, стр. 136-142.

- Ամենատարածված ձևը փաստաթղթի վերաբերյալ հարցեր տալն է:

Հարցեր կարելի է տալ երկու ձևով.


ա. Կարելի է նախնական հարցեր ձևակերպել և առաջարկել այդ հարցերի պատասխանները գտնել սկզբնաղբյուրում,

բ. Կարելի է առակերտներին առաջարկել թեստային հարցեր, որոնց նրանք պետք է պատասխանեն սկզբնաղբյուրին ծանոթանալուց հետո:

- Սկզբնաղբյուրի վերլուծության հարցաթերթիկի օգտագործումը:
- Գրել ակնարկ սկզբնաղբյուրի մասին: Առակերտները կարող են ակնարկներում գրել սկզբնաղբյուրի հիմնական գաղափարի, այդ գաղափարը հիմնավորող փաստարկների համազօր լինելու մասին: Առակերտներն ակնարկում պետք է գրեն նաև այն զգացմունքների ու զգացումների մասին, որ առաջացել են սկզբնաղբյուրը ընթերցելիս (թե ինչ զգացումներ առաջացրեց և ինչ տպավորություն գործեց սկզբնաղբյուրը): Անհրաժեշտ է ակնարկում տալ սկզբնաղբյուրի վերլուծությանը:
- Առակերտին առաջարկվում է գրել պատասխան սկզբնաղբյուրի հեղինակին՝ իրեն պատկերացնելով որպես սվյալ ժամանակաշրջանի մարդ:
- Սկզբնաղբյուրով աշխատանքը կարելի է կատարել նաև բանավոր: Այս դեպքում խորհուրդ է արվում օգտագործել դերային խաղի, բանավեճի մեթոդները: Այս մեթոդներն արդյունավետ են, եթե առակերտներն աշխատում են մեկից ավելի սկզբնաղբյուրով:
- Կարելի է առաջարկել առակերտներին սկզբնաղբյուրը ներկայացնել պատկերային ձևով: Նրանք կարող են պատրաստել նկարներ, ծաղրանկարներ, պատտուներ, բեմականացված ներկայացումներ, սահիկաճարեր¹⁰:
- Սկզբնաղբյուրների հետ աշխատելիս կարելի է կիրառել այլ մեթոդներ, օրինակ «Վենի դիագրամը», այն կառուցվում է երկու կամ ավելի շրջանաձև պատկերների միջոցով, որոնք հատման մեծ մակերես ունեն կենտրոնում: Այս դիագրամը կարելի է օգտագործել գաղափարները միմյանց հակադրելու կամ դրանց ընդհանրությունները ցույց տալու նպատակով:

Տարբերություն, առանձնահատկություն

Տարբերություն, առանձնահատկություն



¹⁰Глазырина Н., Методика преподавания истории, стр. 118.


Նմանություն

Վեճի դիագրամը կարող է ունենալ ինչպես պարզ կառուցվածք, այնպես էլ բարդ (երեք-չորս հասկացությունների համեմատության համար):

10-րդ դասարանում Հայ ժողովրդի կազմավորումը, Հայ ժողովրդի կազմավորման վերաբերյալ առկա ավանդազույցները ուսումնասիրելիս կարող ենք օգտագործել թեմայի վերաբերյալ հետևյալ սկզբնաղբյուրները՝ Ստրաբոնի «Ասիայի աշխարհագրություն»-ը¹¹, Հերոդոտոսի «Պատմություն ինը գրքից» աշխատությունը¹², Մովսես Խորենացու «Հայոց պատմությունը»¹³: Մենք կարող ենք երեխաներին ծանոթացնել հայկական, հունական ու վրացական ավանդությունների հետ ու դրանք համեմատել այս դիագրամի միջոցով.

Հայկական
ավանդություն

Վրացական
ավանդություն¹⁴



¹¹ Ստրաբոն, Ասիայի աշխարհագրություն, Երևան, 2011:

¹² Հերոդոտոս, Պատմություն ինը գրքից, Երևան, 1986:

¹³ Մովսես Խորենացի, Հայոց պատմություն, Երևան, 1990

¹⁴ Հայ ժողովրդի պատմության բրեստոմատիա, հ. 1, Երևան, 2007, էջ 27-30:

T-աձև աղյուսակ

T-աձև աղյուսակը օգտագործվում է միևնույն հասկացության, խնդրի երկու կողմերը համեմատելու համար: Սա գծագրական դասակարգիչներից ամենապարզն է և կազմակերպման ձևով և կառուցվածքով: Այն կարող կիրառվել անհատապես կամ խմբով աշխատելիս: Իր ձևով T ստուրը հիշեցնող աղյուսակը կազմված է երկու բաժնից, որտեղ գրանցվում են միևնույն հասկացության, խնդրի հակադիր որակները, դրական կամ բացասական կողմերը: Աղյուսակի այս ձևը շատ հարմար է ֆնհարկումների ժամանակ երկու տարբեր պատասխանների կամ հակադրություն արտահայտող արձագանքների գրառման համար: Այս մեթոդը ճկուն է նաև այն իմաստով, որ դրա օգտագործումը արդյունավետ է դասերի տարբեր փուլերի ընթացքում և տարբեր առարկաներ ուսումնասիրելիս: Մեկ փաստի, իրադարձության, պատմական գործչի, որևէ այլ թեմայի ուսումնասիրման ընթացքում, երբ կիրառվում է որևէ սկզբնաղբյուր, այս աղյուսակի միջոցով կարող ենք վերահանել սկզբնաղբյուրի, դրա հեղինակի տեսակետը, կարծիքը այդ թեմայի վերաբերյալ:

Դրական	Բացասական

Սկզբնաղբյուրների հետ աշխատանքը, պատմագրական վերլուծությունը թույլ են տալիս աշակերտներին ծանոթացնել պատմաբանների գրվածքներին, ինչպես նաև ներկայացնել այն մարդկանց տեսակետները, որոնք ստեղծում են հանրային պատկերակացումները պատմության մասին՝ թանգարանների ղեկավարներ, կինոբեմադրիչներ, հեռուստատեսային պրոդյուսերներ, լրագրողներ և արձակագիր գրողներ: Օրինակ, մեր դասագրքեր «Նաչակրաց արժավանքները» թեման գրեթե միշտ ներկայացվում է խաչակիրների տեսակետից, թերևս ընդգրկելով առանձին անդրադարձներ այնպիսի առաջնորդներին, ինչպես Սալադինը (Սալահ ալ-Դին Յուսուֆ) կամ Զանգին (Իմադ ալ-Դին Զանգի), գուցե նաև դասագրքի սեղմ հատված՝ իսլամի ծագման և հավատալիքների մասին: Այնուամենայնիվ, այդ ժամանակաբաժանի մի շարք արաբ ժամանակագիրների գրքեր թարգմանվել են բազմաթիվ եվրոպական լեզուներով, առաջ են եկել մի քանի գրքեր, որոնք մեծապես հիմնվում են նրանց վկայությունների վրա: Օգտագործելով այս ռեսուրսները,

ինչպես նաև ֆրիստոնեական աղբյուրների վրա հիմնվող ավելի ավանդական նյութերը՝ ուսուցիչը կարող է վերցնել մի շարք հիմնական իրադարձություններ և հանձնարարել համեմատել, թե ինչպես էին դրանք ընկալվում ֆրիստոնյա և արաբ ժամանակագիրների կողմից: Այդ իրադարձություններից են, օրինակ՝ Յերուսաղեմի վերագրավումը 1099 թ-ին, Հաթինի հակատամարտը 1187 թ-ին, Աֆրալի պաշարումը 1189-91 թթ., Տրիպոլիի անկումը 1289 թ-ին: Այնուամենայնիվ, մինչև մեր բերած օրինակի կամ այլ թեմայի վերաբերյալ վկայությունները համեմատելը, օգտակար է ուսումնասիրության սկզբում ֆենարիկել, ինչպես էին կողմերը ընկալում միմյանց և ինչպես էին այդ ընկալումները փոփոխվում անմիջական շփումների և տեղի ունեցող իրադարձությունների ազդեցության տակ: Օգտակար է ընդգրկել մի քանի մեջբերումներ, որոնք արտացոլում են միմյանց մասին եղած պատկերացումները¹⁵:

Առակերտները կարող են վերլուծել հետևյալ գրավոր սկզբնաղբյուրները՝

- Թերթ, հանդես
- Մամլո հաղորդագրություն
- Նամակ
- Հեռագիր
- Գովազդ
- Գիտական աշխատություն
- Գրական ստեղծագործություն
- Նկար/լուսանկար
- Իրավական փաստաթուղթ¹⁶

Սկզբնաղբյուրների հետ աշխատելու և դրանք ճիշտ հասկանալու համարժատ կարևոր է առակերտների ուժեղությունը հրավիրել որոշ կողմնորոշիչ հարցերի վրա՝ կազմվելով Հարցաթերթիկներ. օրինակ՝

Տարեգրություններ, ժամանակագրություններ

- Ի՞նչ փաստաթուղթ է սա /տեսակը/: Ե՞րբ է ստեղծվել:
- Ո՞վ է սկզբնաղբյուրի հեղինակը: Ի՞նչ գիտեք նրա մասին:
- Ի՞նչ նպատակով է ստեղծվել սկզբնաղբյուրը:
- Սկզբնաղբյուրի հեղինակը իր նկարագրած դեպքերի մասնակից ու ժամանակակից է, թե՞ այն ստեղծել է ուրիշների կողմից պատմածների ու իր լսածների հիման վրա:
- Սկզբնաղբյուրի հեղինակը չեզո՞ք է, թե ունի որևէ շահագրգռվածություն, որն ազդել է նրա ստեղծածի վրա:

¹⁵ Սարգսյան Ռ., Պատմության դասավանդման բազմատեսակային մոտեցումը. ուսուցչի ձեռնարկ, ԵՍ, 2003, էջ 72:

¹⁶ Դուկասյան Ա., Հայոց պատմություն 8-9, էջ 52:

- Սկզբնաղբյուրը ստեղծվել է անձնական օգտագործման^օ, փոքր խմբի^օ, թե^օ հասարակության ավելի լայն շերտերի համար:
- Սկզբնաղբյուրը պարզապես տեղեկացնո^օղ է, թե ունի համագոյ բնույթ: Սկզբնաղբյուրի սեփական միջոցով պարզե՛ք՝ հեղինակը փորձում է անաչառ լինել, թե^օ համոզող:
- Սկզբնաղբյուրը գրվել է նկարագրվող իրադարձությունների ընթացքում, դրանից անմիջապես հետո^օ, թե որո՞շ ժամանակ անց:
- Ինչու^օ է այս փաստաթուղթը կարևոր:
- Ու^օմ է ուղղված սկզբնաղբյուրը/կամ ու^օմ համար է այն:
- Ո՞րն է ամենակարևոր փաստը այս սկզբնաղբյուրում: Որքանո՞վ է այն արդիական:
- Նշե՛ք 3 խնդիր, որը կարևորվում է սկզբնաղբյուրում:
- Ի՞նչ ծանոթ բառեր կան այս փաստաթղթում և ի՞նչ են դրանք նշանակում:
- Փաստաթղթի որևէ մաս անհասկանալի է^օ, ինչու^օ:
- Ընտրե՛ք գլխավորը ու հիմնականը, հիմնավորել ընտրությունը,
- Բնութագրե՛ք/գնահատե՛ք այդ փաստաթղթի մեջ ներկայացված ֆալսֆակտի գործիչներին ու նրաց գործունեությունը:
- 1-2 հարց ուղղե՛ք սկզբնաղբյուրի հեղինակին:
- Նկարագրե՛ք, թե ինչպե՞ս վերլուծեցի՞ք փաստաթուղթը¹⁷:

Հրամաններ, օրենքգրքեր, պետական գործիչների խոսքեր, հրամանագրեր, պետական այլ

փաստաթղթեր

- Նկարագրե՛ք այս փաստաթղթի ստեղծման պայմանները՝ որտե՞ղ, ե՞րբ և ինչու^օ է այն ստեղծվել:
- Ո՞վ է փաստաթղթի հեղինակը: Ի՞նչ գիտե՞ք նրա կյանքի ու գործունեության վերաբերյալ:
- Բացատրե՛ք փաստաթղթում կիրառվող հասկացությունները:
- Հասարակության ո՞ր շերտի/խմբի համար է նախատեսված այս փաստաթուղթը:
- Ինչու՞վ է այս փաստաթուղթը տարբերվում այլ երկրների նմանատիպ փաստաթղթերից:

Միջպետական փաստաթղթեր. պայմանագրեր, հեռագրեր, պետական գործիչների

նամակագրություններ

- Քարտեզի վրա ցույց տվե՛ք այս փաստաթղթում նշված երկրները»
- Բնութագրե՛ք փաստաթղթի ստեղծման պատմական ժամանակաշրջանը:
- Վերլուծե՛ք փաստաթղթի դրական ու բացասական հատկանիշերը կողմերից յուրաքանչյուրի համար՝ մասնավորապես և միջազգային հարաբերությունների համար՝ ընդհանրապես:
- Բացատրե՛ք, թե ինչու^օ է կնքվել նմանատիպ պայմանագրերով պայմանագիր:

¹⁷ Ղուկասյան Ա., Հայոց պատմություն, էջ 51:

- Այս փաստաթղթի հիման վրա ի՞նչ տնտեսական, ֆազաֆական ու տարածֆային փոփոխություններ են կատարվել:
- Ի՞նչ բնույթ ուներ այս փաստաթուղթը. հանրային էր, թե՞ գաղտնի: Ինչու՞:
- Գնահատե՛ք այս փաստաթղթի բնույթն ու ազդեցությունը:
- Մտածե՛ք, թե ի՞նչ պայմաններ պետք է լինեին, որ փաստաթուղթը կնքվեր/կազմվեր այլ պայմաններով:
Պետական գործիչների հատեր, պետական ծրագրեր
- Ո՞վ է փաստաթղթի հեղինակը: Ի՞նչ ֆազաֆական հայացքներ ուներ նա:
- Որտե՞ղ և ե՞րբ է փաստաթուղթը ստեղծվել և ի՞նչ ֆազաֆական պայմաններում:
- Ինչի՞նչ է ուղղում իր խոսքը փաստաթղթի հեղինակը:
- Հասարակության ո՞ր շերտի հետաքրքրություններն ու շահերն է նա արտահայտում:
- Տվե՛ք պատմական գնահատական այս փաստաթղթին:
Կենսագրություններ/հուշագրություններ, օրագրեր, նամակներ
- Ո՞վ է փաստաթղթի հեղինակը: Ի՞նչ սոցիալական դիրք ուներ նա:
- Ի՞նչ է նկարագրում փաստաթղթի հեղինակը:
- Ինչն՞վ կբացատրեք հեղինակի տեսակետները ու դիրքորոշումները նկարագրվածի վերաբերյալ:
- Ինչն՞վ է նման և ինչն՞վ է տարբեր հեղինակի տեսակետները ու դիրքորոշումները սվյալ իրադարձության վերաբերյալ, եթե համամատենք նույնը նկարագրող այլ սկզբնաղբյուրի հեղինակի հետ:
- Վստահու՞մ եք փաստաթղթի հեղինակին: Ինչու՞
- Կիսու՞մ եք փաստաթղթի հեղինակի տեսակետներն ու կարծիքները: Ինչու՞:
Պռեզիդ, դրամա, էպոս, միֆեր ու ավանդազրույցներ, երգեր և այլն
- Քարտեզի վրա ցույց տվե՛ք փաստաթղթում նկարագրվող իրադարձությունների տարածաշրջանը:
- Նկարագրվող հագուստների և այլ դետալների միջոցով բնութագրե՛ք սկզբնաղբյուրի ստեղծման դարաշրջանը:
- Սկզբնաղբյուրի հեղինակը հերոսների միջոցով ի՞նչ է փորձում հաղորդել:
- Ինչպե՞ս է հեղինակը ներկայացնում հերոսների արարքները: Համաձայն է նրա տեսակետների հետ:
Ինչու՞:
- Հեղինակը հասարակության ի՞նչ շերտի/խավի ներկայացուցիչ էր:
- Որքանո՞վ էր հեղինակը օբյեկտիվ և սուբյեկտիվ:

- Գրական այլ ստեղծագործություններում հանդիպել էմ նմանատիպ սյուժեների: Ո՞ր ստեղծագործություններն են դրանք: Ինչն՞վ են նման և տարբեր սյուժեները¹⁸:

Հայերի ծագման հայկական ավանդությունը կարող ենք ներկայացնել Մովսես Խորենացու «Հայոց պատմության» աշխատության համապատասխան մասերը, այսինքն Նոյի սերունդների, Հայկի ու Բելի, Արամ քաղաքի վերաբերյալ հետևյալ ենթադրությունները ընթերցելով և դրանք վերլուծելով՝

- Գիրք առաջին, Գլուխ Դ, Ժ, ԺԱ, ԺԲ¹⁹:

Կարող ենք նաև Հերոդոտոսի գրքից ուսումնասիրել ու վերլուծել Գլուխ VII –ի այն մասերը, որոնք վերաբերվում են արմենինին: Ծանոթանալուց ու ընթերցելուց հետո երեխաներին կարող ենք տալ հետևյալ հարցերը՝

- Ո՞վ է հայերի նախնին՝ ըստ Մովսես Խորենացու և ի՞նչ ծագում ունի նա:
- Ու՞մ հետ է նա պատերազմել և ինչպե՞ս է հաղթանակ տարել:
- Որտե՞ղ է հաստատվել:
- Ե՞րբ է տեղի ունեցել Բելի ու նրա գորբի դեմ հայերի տարած հաղթանակը:
- Որտե՞ղ հաստատվեցին Հայկի ժառանգները:
- Ու՞մ էին նման հայերը, ըստ Հերոդոտոսի վկայության:
- Ինչն՞վ էին նման:

Համոզելու նպատակ ունեցող սկզբնաղբյուրների վերլուծություն. շատ հաճախ սկզբնաղբյուրների հեղինակները միտում ու նպատակ են ունենում համոզել իրենց ընթերցողներին՝ ներկայացնելով սրուակի փաստեր և տեսակետներ: Աշակերտը պետք է կարողանա վերլուծել հեղինակի տեսակետները, նրա դատողությունների ընթացքը՝ հասկանալու համար, թե կողմնակալություն կա, թե ոչ: Սկզբնաղբյուրը վերլուծելիս պետք է ուշադրություն դարձնել հեղինակի հետևյալ մոտեցումներին՝

- Ընդհանրացումներն ու չափազանցությունները
- Որպես փաստեր ներկայացվող տեսակետները
- Օգտագործված բառապաշարը²⁰:

Պետք է անպայման նշել, որ բացի աշակերտների կողմից սկզբնաղբյուրների հետ աշխատելուց, դրանց հետ պետք է աշխատեն նաև ուսուցիչները: Ուսուցիչը նախքան սկզբնաղբյուրի հետ աշխատել հանձնարարելը, պետք է լավ ծանոթ լինի դրան, ներկայացնի այդ սկզբնաղբյուրի հեղինակին, ստեղծման ժամանակաշրջանը²¹:

¹⁸ Конспект лекций по курсу “Методика преподавания истории в школе”, https://hist.bsu.by/images/stories/files/uch_materialy/do/hist/4/MPI_Kozik/Konspect.pdf, стр. 36–38:

¹⁹ Մովսես Խորենացի, Հայոց պատմություն, Գիրք առաջին, Գլուխ Դ, Ժ, ԺԱ, ԺԲ:

²⁰ Ղուկասյան Ա., Հայոց պատմություն, էջ 52:

²¹ Студеникин М., Методика преподавания истории в школе, стр. 132–142.

Պատմության ուսումնասիրության ու դասավանդման հիմնաբարեից է փաստերի ուսուցումը: Փաստ բառը լատիներենից թարգմանաբար նշանակում է «իրագործված, իրականացված»²²: Փաստերի ուսուցումը իր դերն ունի նաև պատմական տարբեր երևույթների միջև փոխկապակցվածության, պատճառահետևանքային կապը հասկանալու համար:

Փաստերը լինում են մի ֆանի տեսակ՝

- Իրադարձություններ-դրանք այն դեպքերն են, որոնք տեղի են ունեցել կոնկրետ տեղում, կոնկրետ ժամանակում.օրինակ՝ Ջիրավի հակատամարտ, Ստալինգրադի հակատամարտ և այլն
- Երևույթներ-սրանք իրենցից որոշակի հասկացություններ են ենթադրում՝ հեղափոխություններ, բարեփոխումներ, ասպատմություններ
- Գործընթացներ-սա մի ֆանի երևույթների, իրադարձությունների շղթայակապ համակցությունն է, որը ունի իր պատճառներն ու արդյունքները/հետևանքները: Օրինակ՝ արդյունաբերական հեղափոխում, միջնադարյան ֆալսեթների առաջացում և այլն²³:

Իրենց բնույթով պատմական փաստերը լինում են՝

- Գլխավոր-այն փաստերն են, որոնք տվյալ երկրի, ժողովրդի համար տվյալ ժամանակաշրջանում ունեցել են կարևոր ու էական նշանակություն
- Ոչ գլխավոր-այն փաստերն են, որոնք միմյանց են կապում տարբեր գործընթացներ, ունեցել են ժամանակավոր բնույթ²⁴:

Պատմական փաստերի ուսուցման գործում կիրառելի է աղյուսակների օգտագործումը, օրինակ՝

Թվական	Իրադարձություն

Key3 աղյուսակ

Կարևոր անուն	Կարևոր թվական	Կարևոր իրադարձություն

Քարտեր՝

Ուսուցիչը կարող է պատրաստել փաստերին վերաբերող ֆարտեր, օրինակ՝

²² Նույ տեղում:
²³ Конспект лекций по курсу “Методика преподавания истории в школе”, https://hist.bsu.by/images/stories/files/uch_materialy/do/hist/4/MPI_Kozik/Konspect.pdf,
 ԵՄՐ. 7.
²⁴ Նույն տեղում, էջ ԵՄՐ. 8:

- Նշված է թվականը, առակերտը պետք է դրան համապատասխանեցնի իրադարձության ֆարտը/և հակառակը
- Նշված է իրադարձությունը, առակերտը պետք է գտնի և համապատասխանեցնի տվյալ իրադարձության հերոսին/գործչին

Թեստեր՝ ինֆորմույն աշխատանքի փուլում պատմական փաստերի ուսուցումը կարող է իրականացվել դասի թեմայի վերաբերյալ փոփոխական թեստի հանձնարարման միջոցով, որտեղ կլինեն հարցեր փաստերի վերաբերյալ և ընտրության տարբերակներ²⁵:

Նկարագրել փաստերը/իրադարձությունները

Սոցիալ տնտեսական	Քաղաքական	Կրոնական	Մշակութային	Այլ ²⁶

Թվականը	Կարճաժամկետ ազդեցություն	Երկարաժամկետ ազդեցություն ²⁷

ԳԼՈՒԽ II ՕՐՎԱ ԴԱՍԻ ՊԼԱՆԻ ՕՐԻՆԱԿՆԵՐ

Օրվա դասի պլան **N⁰¹**

Ամիս, ամսաթիվ – 25.04.2022

Դպրոց –

²⁵ Конспект лекций по курсу “Методика преподавания истории в школе”, https://hist.bsu.by/images/stories/files/uch_materialy/do/hist/4/MPI_Kozik/Konspect.pdf, стр. 11-12.

²⁶ Գիրք պատմության ուսուցման. ինչո՞ւ, ինչպե՞ս, էջ 201:

²⁷ Նույն տեղում:

Դասարան - 10 - րդ

Առարկա - Հայոց պատմություն

Դասի թեմա - Հայոց ծագումնաբանության հարցը

Դասի տևողությունը - 45 րոպե

Դասի նպատակները՝

- Ծանոթանալ Հայոց ծագումնաբանության վերաբերյալ ավանդազրույցներին:
- Ներկայացնել Հայոց ծագումնաբանության վերաբերյալ եղած մտեցումները:
- Ձեռք բերել շփման հմտություններ (լսելու, ֆինալիզելու, ընդհանուր եզրակացություններ անելու, դիմացինի կարծիքը հաշվի առնելու):
- Ստեղծել դրական կախվածության մթնոլորտ:

Հիմնական հասկացություններ - հայերի ծագում, հայկական, վրացական, հունական ավանդազրույցներ, Հայկ, Բել, հայեր, Արմենիա, արմեններ:

Միջառարկայական կապեր - Համաշխարհային պատմություն

Անհրաժեշտ պարագաներ - դասագրքեր, տետրեր, գրատախտակ, գրիչներ, Մովսես Խորենացու գիրքը, Հերոդոտոսի գիրքը:

Դասի տիպը - համագործակցային

Դասի ընթացքը

- Խթանման փուլ - 6 ր

Դասը սկսվում է Հայոց ծագումնաբանության հարցը թեմայի մասին ուսուցչի ներածական զրույցով: Այնուհետև անց է կացվում մտքերի տարափոխության հարցի ծագումը հասկացության վերաբերյալ: Գրատախտակին զբոսնում են հայոց ծագումնաբանության գաղափարի վերաբերյալ առկերտների ասած բոլոր բառերն ու արտահայտությունները: Ուսուցիչը բոլոր ցանկացողներին հնարավորություն է տալիս արտահայտվելու:

Դասարանը բաժանում են 5 կուրսերի 3 խմբերի և տալիս են դասի հետ առնչվող տեղանուններ՝ Հայկ, Արմենոս, Հայոս: Խմբերում ընդգրկում են տարբեր առաջադիմություն ունեցող առկերտներին:

- Իմաստի ընկալում - 30 ր

Յուրաքանչյուր խմբի հանձնարարվում է կարդալ իրենց հանձնարարված հատվածները, ապա թեմայի վերջում լրացուցիչ նյութի տեքստով տրված սկզբնաղբյուրները և Մովսես Խորենացու, Հերոդոտոսի ու Ստրաբոնի աշխատությունների համապատասխան հատվածները, դրանցից էլ նկատվող պատասխանել ուսուցչի կեղմից թերթիկների վրա գրված և խմբերին բաժանված հարցերին:

Խումբ «Հայկ» - կարդալ «Հնդեվրոպական նախահայրենիք, Հայկական ավանդություն» ենթավերնագրերը և Մովսես Խորենացու «Հայոց պատմություն» - ից Հայկի մասին հատվածը, ապա պատասխանել հետևյալ հարցերին:

- Հնդեվրոպական նախահայրենիքը ո՞ր տարածքներն է ընդգրկում:
- Ո՞ր ժողովուրդներն են հանդիսանում բնիկ տերերն ու ժառանգորդները այդ հայրենիքի:
- Ըստ Խորենացու հաղորդած հայկական ավանդության՝ ո՞վ է հայերի նախնին. Նկարագրե՛ք նրան:
- Ու՞մ է հաղթում նա, որտե՞ղ են հաստատվում նրա ժառանգները:

Խումբ «Արմենոս»- կարդալ «Հունական ավանդազրույցը հայերի մասին երթավերնագիրը» և Ստրաբոնի վկայությունը հայերի մասին. պատասխանել հետևյալ հարցերին.

- Հունական ավանդազրույցը հայերի ծագման մասին ու՞մ ճշմարիտ է հասել մեզ:
- Ըստ հունական ավանդության ո՞վ է հայերի նախնին:
- Ի՞նչպե՞ս է նա հաստատվել Հայաստանում:
- Ի՞նչ անուն է նա տվել երկրին ու ժողովրդին:

Խումբ «Հասո»- կարդալ «Վրացական ավանդազրույցը և հայերի ծագման հարցը պատմագիտության մեջ» երթավերնագրերը և թեմայի վերջում եղած «Վրացական ավանդազրույցը՝ հայերի ծագման մասին» լրացուցիչ նյութը և պատասխանել հետևյալ հարցերին.

- Ըստ վրացական ավանդազրույցի ո՞վ է հայերի նախահայրը:
- Ի՞նչ ծագում ունի նա:
- Երկրի ո՞ր մասում էր իջնում:
- Ե՞րբ գիտության մեջ ի հայտ եկան տեսակետներ հայերի ծագման մասին և դրանք ի՞նչ էին ներկայացնում:

Խմբային աշխատանքի արդյունքները բանավոր ներկայացնելու համար յուրաքանչյուր խմբի հատկացնել 5րոպե:

- Կռուդատման վուլ (8րոպե)

Սկզբնաղբյուրը կարդալուց և հարցերին պատասխանելուց հետո Վենի դիագրամ մերողի միջոցով համեմատել հայերի ծագման մասին հայկական, հունական ու վրացական ավանդազրույցները:

Գնահատում և անդրադարձ (3րոպե)

Տնային առաջադրանք (1 րոպե)-Սովորել դասը, պատասխանել դասի վերջում եղած հարցերին ու առաջադրանքներին:

Օրվա դասի պլան **N02**

Ամիս,ամսաթիվ-25.04.2022

Դպրոց-

Դասարան-12-րդ

Առարկա-Հայոց պատմություն

Դասի թեմա – Հասարակական – ֆազաֆական կյանքը

Դասի տևողությունը – 45 րոպե

Դասի նպատակները՝

- Ներկայացնել կոմ. կուս. –ի մենիբիսանության ձևավորման ընթացքը
- Նկարագրել անհատի պաշտամունքի ձևավորման էությունը
- Դատողություն անել Խորհրդային Միությունում ընդունված նկունների օրենքական հիմքերի վերաբերյալ
- Մոդելավորել ֆազաֆական նկունների կենդանի օրինակ

Հիմնական հասկացություններ – Անհատի պաշտամունք, ֆազաֆական բունանկուններ, մենիբիսանություն, ժողովրդի թեմանի

Միջառարկայական կապեր – Գրականություն, Համաշխարհային պատմություն

Անհրաժեշտ պարագաներ – Պլանետ, կաշուն թղթեր՝ նոր նյութի ներկայացման համար, տետրեր, գրիչներ

Դասի տիպը – Համագործակցային

Դասի ընթացքը

- Խթանման փուլ – 7 ր

Մեջբերումներ, Սովորողների ֆննարկում. Սովորողների հանձնարարվում է ընթերցել մեջբերումներ ԽՍՀՄ Սահմանադրությունից /ժողովրդի թեմանի լինելու վերաբերյալ/ և իրականացնել Սովորողների ֆննարկում: Տրվում է 7 ր ժամանակ:

- Իմաստի ընկալում – 34 ր

Սովորողներին տրվում է 7 րոպե ժամանակ, որպեսզի նրանք ուսումնասիրեն

նյութը և 10-ր ժամանակ՝ այն ներկայացնելու համար որպես դեպքերի ակնատես: Հանձնարարվում է ներկայացնել նյութը ըստ երկու դրույթի՝ ինչու՞, ինչպե՞ս /ինչու՞ էր ԽՍՀՄ դեկլարությունը հալածանքների ենթարկում Դաշնակցության ներկայացուցիչներին, ներկուսակցական ընդդիմադիրներին, Հայոց եկեղեցուն և ինչպե՞ս, ինչ եղանակով էին իրականացվում այդ բունանկունները/: Սովորողները ընթերցում են նյութը, կաշուն թերթիկների վրա կատարում իրենց նունները, մեկնաբանում դրանք և խմբավորում գրատախտակին գրված «Ինչու» և «Ինչպես» խմբերում:

Դերային խաղ. 12 ր

Սովորողները ընտրում են իրենց դերերը /Ե. Չարենց, դատավոր, դատախազ, ատենակալներ, վկաներ/ և դերային խաղ – «Պատմությունը դատարանի առջև» մեթոդով ներկայացնում Ե. Չարենցին առաջադրված

մեղադրանքը /ընթերցում բանաստեղծի հակաստալիսյան բանաստեղծությունները/, ֆալսֆական ճնշումները
և դատը:

Զեկույց. 5 ր. Առակերտներին հանձնարարվում է գրել զեկույց 1936-1939 թթ. Հայաստանում կիրառված
բռնաճնշումների վերաբերյալ:

- Կռուդատման փուլ - 4ր

Ամփոփում 1 նախադասությամբ. Ուսուցիչը հրահանգում է առակերտներին մեկ նախադասությամբ ձևակերպել
օրվա դասի կարևոր դրույթը:

Գնահատում և անդրադարձ. Ուսուցիչը անդրադառնում է դասի նպատակներին՝ նշելով, թե որքան են հասել
այդ նպատակներին:

Տնային հանձնարարությունը՝ պատասխանել հարցերին և կատարել առաջադրանքները 1-4, էջ 15:

Օրվա դասի պլան **N⁰³**

Ամիս, ամսաթիվ - 25.04.2022

Դպրոց -

Դասարան - 11 - րդ

Առարկա - Հայոց պատմություն

Դասի թեմա - Մայիսյան հերոսամարտերը

Դասի տևողությունը - 45 րոպե

Դասի նպատակները՝

- Նկարագրել Մայիսյան հերոսամարտերը
- Համեմատել և վերլուծել պատմական սկզբնաղբյուրները Կարսի և Ալեքսանդրապոլի հանձման
մասին
- Գնահատել Մայիսյան հերոսամարտների նշանակությունը այսօրվա Հայաստանի համար

Հիմնական հասկացություններ - Զավախի և Շիրակի գոյամարտ, Սոգյուրլու, Բաբ-Ապարան,
Սարդարապատ, Ղարաֆիլիսա, Դանիել Բեկ-Փիրումյան, Դրո, Գարեգին Նժդեհ, Գևորգ Ե Սուրենյանց
Միջառարկայական կապեր - Համաշխարհային պատմություն

Անհրաժեշտ պարագաներ - Կաշուն թերթիկներ, պլանետ, տեսասահիկ, ֆարսեզ, գրատախտակ, կավիճ **A4**
թղթեր, գրիչներ, արկղ, գունավոր թերթիկներ, հեռախոս, համացանց

Դասի տիպը - Համագործակցային

Դասի ընթացքը

- Խթանման փուլ - 5ր

Ուսուցիչը ողջունում է առակերտներին, հանձնարարում վերցնել գունավոր թերթիկները և 1րդ պեղի ընթացքում թերթիկի վրա գրել՝ 1հատկանիշ, 1առարկա և 1երևույթ, որոնք քեզ մոտ ասացաք Վուն են Մայիսյան հերոսամարտերի հետ: Ընթացքում հնչում է Պ. Սևակի բանաստեղծության հիման վրա ստեղծված "Սարգարապատ" երգը: <https://youtu.be/sBtRA2WWFCo>

Ավարտելուց հետո սովորողներն ընթերցում են իրենց մտքերը, պատասխանում ուսուցչի հարցերին. «Ի՞նչ ես գգում այս երգը լսելիս: Ինչու՞ այդ երևույթի/ առարկայի հետ ես ասացաք Վուն»: /2ր/

Կաշուն թերթիկների վրա նախապես գրված են դասի նպատակները, որոնք ընթերցվում են առակերտների կողմից և փակցվում գրատախտակին (դրանք նշված են նաև սահիկաշարի վրա): Ուսուցիչը մեկնաբանում է դասի նպատակների կարևորությունը, նշում այն գիտելիքները և հմտությունները որոնք կստանանք դասի ընթացքում: /2ր/

- Իմաստի ընկալում-35ր

Ուսուցիչը սահիկաշարի միջոցով ներկայացնում է Մայիսյան հերոսամարտերը, գրատախտակին գծում է աղյուսակ՝ նշելով կարևոր իրադարձությունները-թվականները-կարևոր անունները: Աղյուսակը առակերտները գծում են իրենց տետրում:

Սովորողները դիտում են տեսանյութեր հերոսամարտերի մասին՝ <https://youtu.be/q9Ahu3dSogA>
<https://youtu.be/O-WVpoOnKOM> Դրոյի խոսքերը Բաժ Ապարանի մասին (30-32ր)
<https://youtu.be/DaUPHwG2WWU>

Ապա առակերտներն արկղից վերցնում են գունավոր թերթիկները, որոնք համարակալված են 1,2,3: Ըստ վերցրած թվի՝ բաժանվում են 3խմբի:

Պատմական հակասական մեկնաբանություններ, Սոկրատեսյան բնաբանում (մեթոդները՝ "Պարադիգմա" կրթական հիմնադրամ (2020), Գիրք պատմության ուսուցման. ինչու՞, ինչպե՞ս)

Յուրաքանչյուր խմբի արվում է Կարսի հանձման, թուրքերի և ԱԺԴՀ-ի պայմանավորվածության, Ալեքսանդրապոլի հանձման մասին Հ.Քաջազնունու, Ա. Խատիսյանի, Ս. Վրացյանի խոսքերը և հանձնարվում ընթերցել դրանք, ապա բնաբանել և հարցաթերթիկների վրա գրավոր պատասխանել հետևյալ հարցերին՝

- 1-ին խումբ-1. Ինչպիսի՞ համադրություններ կան սկզբնաղբյուրներում: 2.Վարչապետերից որի՞ խոսքն էր ավելի վերլուծական և փաստական,տեքստի ո՞ր հատվածների/արտահայտությունների հիման վրա է կարելի այդպիսի ենթադրություն անել: 3. Ինչպիսի՞ դիրքորոշումներ և աշխարհայացք ունեն վարչապետերը: Որո՞նք են դրանց միջև առկա տարբերությունները և նմանությունները:

- 2-րդ խումբ-1. Ինչպիսի՞ հակասություններ կան սկզբնաղբյուրներում: 2. Վարչապետերից որի՞ խոսքն էր ավելի հուզական, տեխստի ո՞ր հատվածների/արտահայտությունների հիման վրա է կարելի այդպիսի ենթադրություն անել: 3. Ինչպիսի՞ դիրքորոշումներ և աշխարհայացք ունեն վարչապետերը: Որո՞նք են դրանց միջև առկա տարբերությունները և նմանությունները:
- 3-րդ խումբ-1. Որո՞նք են հիմնական կետերը, որոնց շուրջ վարչապետերի խոսքերը համադրվում են: 2. Որո՞նք են հիմնական կետերը, որոնց շուրջ վարչապետերի խոսքերը հակադրվում են: 3. Ինչպիսի՞ դիրքորոշումներ և աշխարհայացք ունեն վարչապետերը: Որո՞նք են դրանց միջև առկա տարբերությունները և նմանությունները:

Սկզբնաղբյուրները և հարցաթերթիկները թղթային տարբերակներով տրամադրվում են առակերտներին:

Առաջադրանքի կատարման համար սովորողներն ունեն 9 ր:

Որպես ինքնուրույն աշխատանք՝ ուսուցիչը յուրաքանչյուր առակերտի տալիս է A4 թղթեր (կամ հանձնարարում տեղծել google docs վաստաթուղթ) և հանձնարարում է գրել Շարադրանք-գլահատել Մայիսյան հերոսամարտերի պատմական և ուղղակի նշանակությունը՝ անդրադառնալով հետևյալ կետերին՝

- Ինչպիսի՞ ուղղակի նշանակություն ունեցան՝

ա) Ջավախքի և Շիրակի գոյամարտերը

բ) Բազ-Ապարանի ճակատամարտը

գ) Սարդարապատի հերոսամարտ:

- Մայիսյան հերոսամարտերը ինչպիսի՞ նշանակություն ունեն մեր այսօրվա Հայաստանի համար:
- Կռուդատման փուլ - 5ր

Ուսուցիչը առակերտներին տալիս է գունավոր թերթիկներ և հանձնարարում պատասխանել դրանց վրա գրված հարցերին՝

1)Նժիր մեկ հարց, որ կտաս Մայիսյան հերոսամարտի մասնակիցներից որևէ մեկին:

2)Ի՞նչը քեզ մոտ այս դասին լավ ստացվեց և որտե՞ղ դժվարացար: Գնահատիր քո աշխատանքն այս դասին

10բալանոց սանդղակով:

Կատարվում է գնահատում

Տնային հանձնարարություն՝ սովորել դասը:

ԵԶՐԱԿԱՑՈՒԹՅՈՒՆ

Ի մի բերելով ուսումնասիրության արդյունքները, կարող ենք եզրակացնել, որ՝

- Պատմության դասավանդման բազմազան մեթոդների մեջ իրենց ուրույն տեղն ունեն սկզբնաղբյուրների հետ աշխատանքն ու փաստերի ուսուցման մեթոդները: Սկզբնաղբյուրների հետ աշխատանքն ու փաստերի ուսումնասիրումը պատմության դասավանդման գործընթացում ունեն անփոխարինելի նշանակություն, քանի որ առանց փաստերի չի կարող լինել պատմություն, իսկ առանց սկզբնաղբյուրների՝ չեն կարող լինել փաստեր:
- Սկզբնաղբյուրները բաժանվում են երկու հիմնական խմբի՝ փաստային սկզբնաղբյուրներ և նկարագրող սկզբնաղբյուրներ: Փաստային սկզբնաղբյուրները իրավական, ֆաղափական, ծրագրային՝ հրաման, համաձայնագիր, փաստաթղթեր են, իսկ նկարագրող սկզբնաղբյուրները՝ նամակներ և այլն:
- Փաստերը լինում են մի քանի տեսակի՝ իրադարձություններ, երևույթներ, գործընթացներ, սրտն ընդհանուր առմամբ փոխկապակցված են միմյանց հետ:
- Սկզբնաղբյուրների հետ աշխատանքի մեթոդը կարևոր միջոց է ուսուցումն ավելի արդյունավետ ու հետաքրքիր դարձնելու համար: Այն մեծապես նպաստում է աշակերտի ինֆնուրույն աշխատանքի կառուցմանը, որ նա ինֆնուրույն ուսումնասիրի սկզբնաղբյուրը, կարդա և վերլուծի այն: Օգնում է աշակերտին պատմությունը ավելի պատկերավոր ու գունեղ պատկերացնել ու ընկալել:
- Սկզբնաղբյուրով աշխատանքը հնարավորություն է տալիս աշակերտներին ոչ միայն տեղեկանալ հակասություններին ու տարաձայնություններին, այլև մասնակցել դրանց ֆննարկմանը և ավելի ամբողջական պատկերացում կազմել այդ հարցի շուրջ: Սկզբնաղբյուրները կարևոր դեր ունեն աշակերտների գիտելիքների վերլուծական կարողությունների ու հմտությունների զարգացման գործում: Ուղղակիորեն առնչվելով սկզբնաղբյուրի նյութին՝ աշակերտը ունենում է զարմանալու, հարցադրումներ անելու, բացատրելու և մեկնաբանելու հնարավորություն: Այս ամենն օգնում է երեխաներին ունենալ վերլուծական միտք, բանավիճելու կարողություն, սեփական կարծիք է ձևավորում, այդ կարծիքը պաշտպանելու ու զարգացնելու կարողություն: Սկզբնաղբյուրների օգտագործումը պատմության դասերին ունի շատ մեծ դեր ուսուցման արդյունավետությունը բարձրացնելու գործում, նպաստում է երեխաների ինֆնուրույն աշխատանքին և այդ սկզբնաղբյուրները կարող ենք երեխաներին ներկայանել մի շարք մեթոդներով:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

Սկզբնաղբյուրներ

1. Հերոդոտոս, Պատմություն ինը գրքից, Երևան, 1986, 651էջ:
2. Մովսես Խորենացի, Հայոց պատմություն, Երևան, 1990, 298էջ:
3. Սարաբյան, Աճխարհագրություն, Երևան, 2011, 158 էջ:

Ուսումնասիրություններ

1. Գիրք պատմության ուսուցման. ինչն՞, ինչպե՞ս, «Պարադիգմա» կրթական հիմնադրամ, Երևան, 2020:
2. Հայ ժողովրդի պատմության ֆրեստոմատիա, հ. 1, Երևան, 2007, 528 էջ:
3. Ղուկասյան Ա., Հայոց պատմություն 8-9, Ուսուցչի ձեռնարկ, Երևան, 2013:
4. Սարաղլինգ Ռ., Պատմության դասավանդման բազմատեսանկյուն մոտեցումը. ուսուցչի ձեռնարկ, ԵԽ, 2003:
5. Глазырина Т., Методика преподавания истории, Новополюцк, 2011, 326.
6. Никулина Н., Методика преподавания истории в средней школе, Калининград, 2000.
7. Студеникин М., Методика преподавания истории в школе, Москва, 2000.

Համացանցային պաշարներ

8. Конспект лекций по курсу “Методика преподавания истории в школе
https://hist.bsu.by/images/stories/files/uch_materialy/do/hist/4/MPI_Kozik/Konspekt.pdf.